



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-11-3-3225-4/23

Datum: 09.10.2023.godine

Na osnovu člana 70. stav 1. i stav 4. a u vezi sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Općinski načelnik, donosi:

**ODLUKU**

o poništenju postupka javne nabavke

**I**

Poništava se postupak javne nabavke usluga "Projektovanje proširenja mosta i uređenja dijela obale u Mekišu, općina Tešanj; Projektovanje mosta u Mekišu na nekategorisanom putu k.č.859; Projektovanje i uklanjanje stijene u ulici Skendera Kulenovića u Tešnju" koji je objavljen na Portalu javnih nabavki dana 15.09.2023.godine pod brojem: 375-1-2-215-3-122/23.

**II**

Ova Odluka stupa na snagu danom donošenja i dostavlja se svim opotencijalnim ponuđačima koji su podigli tendersku dokumentaciju u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke usluga, "Projektovanje proširenja mosta i uređenja dijela obale u Mekišu, općina Tešanj; Projektovanje mosta u Mekišu na nekategorisanom putu k.č.859; Projektovanje i uklanjanje stijene u ulici Skendera Kulenovića u Tešnju" pokrenut je Odlukom o pokretanju postupka broj:02-11-3-3225-2/23 od 13.09.2023.godine. Odabran je otvoreni postupak sa podjelom na lotove (3 lota), koji je objavljen na Portalu javnih nabavki dana 15.09.2023.godine pod brojem: 375-1-2-215-3-122/23, procijenjena vrijednost javne nabavke bez PDV-a je 12.500,00KM a kriterij za dodjelu ugovora je najniža cijena.

Tenderskom dokumentacijom u predmetnoj nabavci nije predviđena E-aukcija jer se radi o uslugama koje prema zakonskoj regulativi spadaju u intelektualne usluge, međutim kod objave postupka nabavke na portalu javnih nabavki glavni operater koji je unosio podatke na portal nije na istom isključio opciju „E-nabavki“, te je potencijalni ponuđač dana 06.10.2023.godine postavio pitanje vezano za opciju E-aukcije, te iznio stav da ista u predmetnoj nabavci nebi trebala biti unesena na portali javnih nabavki. Kako kroz sistem Portala javnih nabavki nije moguće u ovoj a ni u bilo kojoj drugoj fazi elektronski ukinuti E-aukciju to je ugovorni organ budući da je članom 2. stav 3. Pravilnika o uslovima i načinu korištenja E-aukcije (Sl.glasnik BiH broj:66/16) propisano da „E-aukcija nije moguća ukoliko su predmet nabavke ugovori o uslugama i ugovori o radovima čiji je predmet intelektualni rad, kao što je projektovanje radova, jer se takve ponude ne mogu rangirati primjenom metoda automatskog elektronskog ocjenjivanja“, odlčio da otkaže postupak javne nabavke.

Glavni operater ugovornog organ kod pokretanja postupka javne nabavke to jest kod objave obavještenja o nabavci napravio je tehničku grešku, naime u sistemu nabavki je označio da će se u predmetnom postupku održati E-aukcija, a što je u suprotnosti sa samom tenderskom dokumentacijom kao i članom 2. stav 3. Pravilnika o uslovima i načinu korištenja E-aukcije (Sl.glasnik BiH broj:66/16). Imajući u vidu sve navedeno u skladu sa članom 70. stav 1. i stav 4. a u vezi sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) ugovorni organ donio je odluku o poništenju postupka javne nabavke usluga "Projektovanje proširenja mosta i

uređenja dijela obale u Mekišu, općina Tešanj; Projektovanje mosta u Mekišu na nekategorisanom putu k.č.859; Projektovanje i uklanjanje stijene u ulici Skendera Kulenovića u Tešnju”, kako je navedeno u tački I ove odluke.

**Pouka o pravnom lijeku:** Žalba na Odluku o otkazivanju postupka javne nabavke izjavljuje se URŽ- u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

**DOSTAVLJENO:**

1. Ponuđači x13, elektronski,
2. Služba za društvene djelatnosti i investicije općine Tešanj,
3. Web stranica Općine Tešanj, elektronski
3. Predmet.

*Pouka*



OPĆINSKI NAČELNIK

*Suad Huskić*  
mr.sci.Suad Huskić